

Broj: 09-11-4-670-13/26

Sarajevo, 13-07-2026

Na osnovu člana 64. stav (1) tačka b) i člana 70. stav (3) i stav (6) Zakona o javnim nabavkama („Službeni glasnik BiH“, broj 39/14, 59/22 i 50/24), a na prijedlog Komisije za javnu nabavku, imenovane Rješenjem, broj: 09-11-4-670-3/26 od 06.04.2026.godine, u otvorenom postupku javne nabavke roba - Motokultivatori i priključci, federalni ministar raseljenih osoba i izbjeglica, **d o n o s i:**

O D L U K U O IZBORU NAJPOVOLJNIJEG PONUĐAČA

I

Prihvata se preporuka Komisije za javne nabavke, broj: 09-11-4-670-12/26 od 06.07.2026. godine, da se u cilju odabira najpovoljnijeg ponuđača u Otvorenom postupku javne nabavke roba – „Motokultivatori i priključci“ – nabavka, isporuka i puštanje u rad poljoprivrednih mašina za potrebe povratnika, Okvirni sporazum sa jednim ponuđačem na period od dvije godine, dodijeli ponuđaču „ITC“ d.o.o. Zenica, sa registriranim sjedištem u **Zmaja od Bosne bb, 72000 Zenica, ID: 4218146790003**, sa najbolje ocijenjenom i prihvatljivom Ponudom, broj: 1100-1110-86 od 29.05.2026.godine, za ponuđenu cijenu od 4.999.995,00 bez PDV-a.

II

Prijedlog Okvirnog sporazuma o nabavci dostavit će se na potpis izabranom ponuđaču ITC“ d.o.o. Zenica, ul. Zmaja od Bosne bb, po proteku roka od 15 dana, računajući od dana kada su svi ponuđači obaviješteni o rezultatima postupka.

III

Ponuđač kojem je dodijeljen Okvirni sporazum obavezan je dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 dana. Rok od 5 dana teče od dana dobijanja/preuzimanja Odluke o izboru najpovoljnijeg ponuđača.

IV

Ova Odluka objavit će se na internet stranici Ugovornog organa (www.fmroi.gov.ba) istovremeno s upućivanjem obavještenja ponuđačima o rezultatima postupka, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14, 59/22 i 50/24).

V

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka, broj: 09-11-4-670/26 od 23.03.2026.godine, kojom je Ugovorni organ odobrio provođenje otvorenog postupka javne nabavke roba – „Motokultivatori i priključci“ – Nabavka, isporuka i puštanje u rad poljoprivrednih mašina za potrebe povratnika. Procijenjena vrijednost javne nabavke iznosila je 5.000.000,00 KM bez PDV-a, planirana Planom javnih nabavki Ministarstva za 2026. godinu, u dijelu I Robe – r.br. 4. Kriterij za dodjelu ugovora je "najniža cijena" u skladu sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24).

Obavještenje o nabavci, broj: 668-1-1-22-3-34/26 od 01.04.2026.godine objavljeno na Portalu javnih nabavki kao i u „Službenom glasniku BiH“ – Oglasnik javne nabavke, broj: 25/26 od 03.04.2026.godine. Tokom postupka objavljene su i ispravke za obavještenje o nabavci broj: 668-1-1-22-8-43/26 od 12.05.2026.godine i Ispravka za obavještenje o nabavci broj: 668-1-1-22-8-45/26 od 15.05.2026.godine; objavljeno u „Službenom glasniku BiH“ – Oglasnik javne nabavke, broj: 34/26 od 15.05.2026.godine i broj: 36/26 od 22.05.2026.godine.

Komisija za javnu nabavku imenovana je Rješenjem Ugovornog organa, broj: 09-11-4-670-3/26 od 06.04.2026.godine.

Nakon izvršenog pregleda i ocjene ponuda, Komisija za javnu nabavku sačinila je Zapisnik o pregledu i ocjeni ponuda, broj: 09-11-4-670-12/26 od 06.07.2026. godine u kojem je konstatovano da su u ostavljenom roku za dostavljanje ponuda blagovremeno dostavljene 2 (dvije) ponude:

- Grupa ponuđača „Jaffa - Komerc“ d.o.o. Mostar i Yagmur Tarim Makinalari – Turska, sa ukupnom cijenom ponude od 4.960.000,00 KM bez PDV-a;
- „ITC“ d.o.o. Zenica, sa ukupnom cijenom ponude od 4.999.995,00 KM bez PDV-a.

Komisija je nadalje konstatovala da nije bilo neblagovremeno pristiglih ponuda i da dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa, te je u skladu sa članom 63. Zakona o javnim nabavkama („Službeni glasnik BiH“, broj: 39/14, 59/22 i 50/24) izvršila pregled i ocjenu blagovremeno dostavljenih ponuda u pogledu ispunjavanja kvalifikacionih uslova, formalno-pravne ispravnosti i tehničkih zahtjeva propisanih tenderskom dokumentacijom.

U postupku pregleda i ocjene ponuda Komisija je utvrdila da ponuda Grupe ponuđača „Jaffa - Komerc“ d.o.o. Mostar i Yagmur Tarim Makinalari – Turska ne ispunjava uslove za kvalifikaciju propisane tenderskom dokumentacijom i Zakonom o javnim nabavkama, zbog čega je ocijenjena kao neprihvatljiva.

Pregledom ponude Grupe ponuđača „Jaffa - Komerc“ d.o.o. Mostar & Yagmur Tarim Makinalari – Turska, broj: 18/26, zaprimljene kod Ugovornog organa pod brojem: 09-11-4-670-8/26, Komisija je utvrdila da jedna od dostavljenih Izjava o ispunjenosti uslova iz člana 47. Zakona o javnim nabavkama (Aneks 8 tenderske dokumentacije), koja se odnosi na člana Grupe ponuđača Yagmur Tarim Makinalari – Turska, nije dostavljena u skladu sa zahtjevima tenderske dokumentacije. Naime, tačkom 7.3.2. tenderske dokumentacije propisano je: „U svrhu ispunjavanja uslova iz tačke 7.3.1. ponuđači su dužni u ponudi dostaviti izjavu o ispunjenosti uslova iz člana 47. Zakona, ovjerenu i potpisanu od strane ponuđača u formi utvrđenoj u Aneksu 8 ove tenderske dokumentacije“. Shodno prednjem, Grupa ponuđača „Jaffa - Komerc“ d.o.o. Mostar & Yagmur Tarim Makinalari – Turska je u sklopu svoje ponude dostavila dvije Izjave o ispunjenosti uslova iz člana 47. Zakona o javnim nabavkama („Službeni glasnik BiH“, br. 39/14, 59/22 i 50/24), u formi Aneksa 8. Jedna Izjava je potpisana i ovjerena od strane predstavnika grupe ponuđača „Jaffa - Komerc“ d.o.o. Mostar dana 23.05.2026. godine, dok je druga Izjava dostavljena u ime člana grupe ponuđača Yagmur Tarim Makinalari – Turska, potpisana od strane predstavnika grupe ponuđača Nedima Badžaka, po punomoći od 10.04.2026. godine izdatoj od strane Yagmur Tarim Makinalari – Turska, ali ista nije ovjerena (str. 61 ponude). Budući da dostavljena Izjava koja se odnosi na člana grupe ponuđača Yagmur Tarim Makinalari – Turska nije ovjerena niti od strane nosioca posla „Jaffa - Komerc“ d.o.o. Mostar, niti od strane Yagmur Tarim Makinalari – Turska, komisija je konstatovala da ponuđač nije postupio u skladu sa zahtjevima tenderske dokumentacije, prema kojima izjava mora biti ovjerena i potpisana od strane ponuđača koji je daje, zbog čega su utvrdili da je ovakva ponuda nepravilna u skladu sa članom 2. stav (1) tačka l) podtačka 3) Zakona o javnim nabavkama („Službeni glasnik BiH“, br. 39/14, 59/22 i 50/24).

Nadalje, u zapisniku o pregledu i ocjeni ponuda, Komisija konstatuje da je tačkom 7.3.1. pod a) tenderske dokumentacije propisano: „da glavni transakcijski račun ponuđača nije bio blokiran u posljednjih 6 (šest) mjeseci od datuma objave zadnje ispravke Obavještenja o nabavci na Portalu e-Nabavke (15.05.2026. godine)“, a tačkom 7.3.2. pod a) tenderske dokumentacije je propisano: „Potvrdu poslovne banke o solventnosti ponuđača, odnosno da u zadnjih 6 (šest) mjeseci, računajući period do datuma zadnje objave Obavještenja o nabavci, transakcijski račun ponuđača nije bio blokiran“. Shodno prednjem, ponuđači su trebali dokazati da njihov glavni transakcijski račun nije bio blokiran u posljednjih 6 (šest) mjeseci do dana objave posljednje ispravke Obavještenja o nabavci na Portalu e-Nabavke, odnosno do 15.05.2026. godine, a potvrda o solventnosti predstavlja dokaz o ispunjavanju navedenog kvalifikacionog uslova. Međutim, Grupa ponuđača, tačnije predstavnik grupe ponuđača „Jaffa - Komerc“ d.o.o. Mostar je dostavio potvrdu Privredne Banke Sarajevo, broj: 50-02-123/26 koja je izdata na dan 21.04.2026. godine (strana 62 ponude), koja ne obuhvata period od 21.04.2026. godine do 15.05.2026. godine, odnosno ne dokazuje da glavni transakcijski račun nije bio blokiran tokom cjelokupnog perioda propisanog tenderskom dokumentacijom. Slijedom navedenog, Komisija je utvrdila da ponuđač nije dokazao ispunjavanje kvalifikacionog uslova koji se odnosi na ekonomsku i finansijsku sposobnost iz člana 47. Zakona o javnim nabavkama („Službeni glasnik BiH“, br. 39/14, 59/22 i 50/24). Imajući u vidu da ponuđač nije dokazao ispunjavanje kvalifikacionih uslova propisanih tačkom 7.3.1. i 7.3.2. pod a) tenderske dokumentacije, a u skladu sa članom 47. stav (1) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24), Komisija je utvrdila da je ponuda Grupe ponuđača „Jaffa -Komerc“ d.o.o. Mostar & Yagmur Tarim Makinalari – Turska neprihvatljiva u smislu člana 2.

stav (1) tačka I) podtačka 2) Zakona o javnim nabavkama („Službeni glasnik BiH“, br. 39/14, 59/22 i 50/24), te da ista ne ispunjava kriterijume za kvalifikaciju privrednog subjekta; zbog čega se odbacuje u skladu sa članom 68. stav (4) tačka i) istog Zakona.

Pregledom i ocjenom ponude ponuđača „ITC“ d.o.o. Zenica Komisija je utvrdila da ponuđač ispunjava sve uslove za kvalifikaciju propisane tenderskom dokumentacijom, da su dostavljeni svi dokazi zahtijevani Zakonom i tenderskom dokumentacijom, te da ponuda u potpunosti ispunjava tehničke i druge zahtjeve ugovornog organa, zbog čega je ocijenjena kao prihvatljiva.

S obzirom da je nakon pregleda i ocjene ponuda ostala samo jedna prihvatljiva ponuda, nisu bili ispunjeni uslovi za provođenje e-aukcije, u skladu sa članom 4. stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23).

Komisija je, primjenjujući kriterij „najniže cijene“, predložila da se Okvirni sporazum za predmetnu javnu nabavku dodijeli ponuđaču:

PODACI O NAJPOVOLJNIJEM PONUĐAČU		
1	Naziv ponuđača	„ITC“ d.o.o. Zenica
2	Adresa	Zmaja od Bosne bb
3	Ukupna cijena ponude bez PDV-a	4.999.995,00
4	Ukupna cijena ponude sa PDV-om	5.849.994,15

Ugovorni organ je razmotrio Zapisnik o pregledu i ocjeni ponuda i prijedlog Komisije, te utvrdio da je postupak pregleda i ocjene ponuda proveden u skladu sa odredbama Zakona o javnim nabavkama („Službeni glasnik BiH“, br. 39/14, 59/22 i 50/24), podzakonskim aktima, internim aktima ministarstva i tenderskom dokumentacijom.

Kako je ponuda ponuđača „ITC“ d.o.o. Zenica jedina prihvatljiva ponuda i ispunjava sve uslove propisane tenderskom dokumentacijom, a prijedlog Komisije zasnovan je na pravilno utvrđenom činjeničnom stanju i pravilnoj primjeni materijalnog prava, ugovorni organ je, primjenom člana 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), a u vezi sa članom 70. stav (3) i stav (6) Zakona o javnim nabavkama („Službeni glasnik BiH“, br. 39/14, 59/22 i 50/24), odlučio kao u dispozitivu ove odluke.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.


MINISTAR
Nerim Dizdār

Dostaviti:

1. Svim učesnicima u postupku
2. Dokumentacija Komisije
3. Sektor za razvojne projekte održivosti povratka
4. Služba za pravne, personalne i poslove javnih nabavki
5. a/a